

Saksgang

Utv.	Utv.saksnr.	Møtedato
Hovudutval for kultur, idrett og integrering		17.03.2020

Den kulturelle spaserstokken, retningslinjer for utlysing og tildeling av tilskot

Forslag til vedtak

Hovudutvalet for kultur, idrett og integrering vedtek framlegg til retningslinjer for tilskotsordninga
Den kulturelle spaserstokken slik det går fram av saksframstillinga.

Samandrag

Den kulturelle spaserstokken (DKSS) er ei tilskotsordning der målet er å leggje til rette for formidling av profesjonell kunst og kultur til eldre. Frå 2014 har fylkeskommunane hatt ansvar for å forvalte ordninga. Midlane ligg inne i rammetilskotet, og skal tildelast kommunane etter søknad. Det er behov for retningslinjer for utlysing og tildeling av midlane i Vestland fylke.

Per Morten Ekerhovd
fylkesdirektør

Siri Ingvaldsen
seksjonssjef kulturformidling

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn for saka

Den kulturelle spaserstokken (DKSS) skal leggje til rette for profesjonell kunst- og kulturformidling til eldre i eit samarbeid mellom kultursektoren og helse- og omsorgssektoren. Fylkeskommunen har ansvar for å forvalte ordninga. Midlane ligg innbaka i rammetilskotet, og det er kommunane som kan søkje tilskot frå ordninga. Tilskotet skal nyttast kulturtildeling av høg kvalitet og vere tilgjengeleg på arenaer der eldre har sitt daglege liv.

Samla tilskot for 2021 i Vestland fylke er 3 980 000 kr (auke på 59 000 kr frå 2019).

Fylkeskommunane Hordaland og Sogn og Fjordane har hatt kvar sine retningslinjer for utlysing og tildeling av midlane. Det er behov for å vedta eins retningslinjer for Vestland fylke.

Retningslinjer og kriterium for tildeling i tidlegare Hordaland og Sogn og Fjordane

Søknadsfrist i Hordaland var i 2019 2. september. I Sogn og Fjordane var fristen 1. juni, og det var krav om rapportering om bruk av 2018-midlane samstundes som ny søknad vart send. I Hordaland vart det ikkje kravt rapport om bruk av fjarårets midlar.

I Hordaland gjaldt følgjande kriterium for tildeling:

Det låg til grunn ein fordelingsnøkkel med kvantitative og kvalitative kriterium. Kvantitative kriterium skulle vektast 80 prosent og kvalitative 20 prosent.

Kvantitative:

- tal på innbyggjarar over 67 år i kommunen (vekting 60 prosent)
- del av befolkninga som er over 67 år (vekting 10 prosent)
- areal (vekting 10 prosent)

Kvalitative:

- programinnhald
- nyskaping
- utvikling av program
- samarbeid

Sogn og Fjordane har tilsvarende lagt til grunn kvantitative og kvalitative kriterium, men har ikkje fastsett fordelingsnøkkelen (vekting) mellom kriteria. Aldersgrensa var her sett til 70 år.

Kvantitative:

- tal på innbyggjarar over 70 år i kommunen
- del av befolkninga som er over 70 år
- areal

Kvalitative:

- programinnhald
- nyskaping
- utvikling av program
- samarbeid
- å medverke til at eldre får eit tilpassa kulturtildeling på arenaer der eldre held til i daglelivet
- gjennomføringsevne
- tilbod til mange

Både i Hordaland og i Sogn og Fjordane har alle kommunane som har søkt, fått tilskot, så sant søkerne oppfylte kriteria.

I Sogn og Fjordane var det i 2019 ein samla søkersum på 2 459 000 kr til DKSS. Til saman 921 000 kr vart fordelt på kommunane. I Hordaland var det i 2019 ein samla søkersum på 3 924 000 kr, og til saman 3 000 000 kr vart fordelt..

Tildeling i 2019 var for tiltak som skal gjennomførast i 2020.

Vedtakskompetanse

Hovudutval for kultur, idrett og integrering, jf. vedteke reglement for hovudutval for kultur, idrett og integrering, punkt 3.

Vurderingar og verknader

Kriteria i dei to fylkeskommunane Hordaland og Sogn og Fjordane var i stor grad overlappande. Grunnprinsippa vil det såleis vere naturleg å halde på. Kvantitative kriterium sikrar at ein i utgangspunktet får fordelt midlane breitt og objektivt, på flest mogleg kommunar. Og vurdering etter kvalitative kriterium gir rom for å prioritere dei beste prosjekta med tanke på innhald og form.

Fylkeskommunen bør ha som mål å vere i dialog med kommunane for å utvikle gode prosjekt innan DKSS. I tråd med statlege føringar (*St.meld. nr. 25, 2005-2006 Mestring, muligheter og mening*) bør det vere særleg vekt på tiltak som er tverrsektorielle, prosjekt som byggjer på samarbeid mellom kultursektoren og helse- og omsorgssektoren. Det vil på sikt vere nyttig å kartlegge arbeidet med DKSS meir grundig og å vidareutvikle samarbeidet med DKSS-kontaktane i kommunane. Dette vil vere eit bidrag til utvikling av kultur og helse-arbeidet i kommunane og fylkeskommunen og i tråd med intensjonane om tilpassa kulturaktivitetar i Leve heile livet-reforma (*St.meld. nr. 15, 2017-2018 Leve hele livet - en kvalitetsreform for eldre*).

Kommunane samarbeider med kunst- og kulturinstitusjonar, kunstnarar og organisasjonar for å få til programtilbod for eldre lokalt. I 2019 har det òg vore eit utprøvande samarbeid mellom DKSS og Den kulturelle skulesekken (DKS) i Sogn og Fjordane. DKS har turnear som i nokre tilfelle kan vere like relevante for eldre som for born i skulealder. Det gir høve til flerbruk av programtilbod. I tillegg kan ein gjennom felles program legge til rette for verdifulle møte på tvers av generasjonane.

Mengda søknader i eit større fylke tilseier at søkerfristen bør vere før sommaren. Etter gjennomgang og vurdering av søkerne kan tildelinga då skje i hovudutvalsmøtet i september. Tidsramma gir rom for planlegging av neste års program i kommunane. Rapportering på fjarårets midlar bør vere eit krav med same frist som søkerfristen. Rapportane gir grunnlagsinformasjon som er nyttig i vurderinga av årets søker.

Fylkesdirektøren foreslår å legge aldersgrensa 67 år til grunn ved tildelinga. Dette har vore gjeldande grense i Hordaland. Ved å gå for denne ekskluderer ein ikkje dei som allereie er inne i ordninga i denne delen av fylket, men utvidar i staden grensa for dei kommunane som soknar til tidlegare Sogn og Fjordane.

I framlegget er dei kvalitative kriteria i dei to tidlegare fylkeskommunane forsøkt samanfatta og forenkla. Kriteriesettet vil honorere kvalitet i innhald, potensial for nyskaping, samarbeid på tvers i kommunane, god plan for gjennomføring av tiltaka og at programinnhaldet samla er tilpassa fleire målgrupper.

Framlegg til retningslinjer for utlysing og tildeling av tilskot

Midlane vert utlyste med søkerfrist 1. juni.

Tildeling skjer i Hovudutval for kultur, idrett og integrering i september.

Midlane skal nyttast det påfølgande året.

Frist for rapportering av fjarårets midlar er 1. juni.

Kommunane nyttar søkeradsskjema som ligg på nettsidene til VLK.

Kriterium

Ved tildelinga skal kvantitative og kvalitative kriterium vektleggast høvesvis 80 og 20 prosent.

Kvantitative:

- tal på innbyggjarar over 67 år i kommunen (vekting 60 prosent)
- del av befolkninga som er over 67 år (vekting 10 prosent)
- areal (vekting 10 prosent)

Kvalitative:

- tiltak/programminnhald
- nyskaping
- samarbeid
- gjennomføringsevne
- tilbod til mange

Økonomi: Denne saka legg føringar for bruken av tilskotsmidlar som ligg i budsjett 2020. Ordninga vert lyst ut, og hovudutvalet vedtek fordeling av midlane på bakgrunn av innkomne søknader.

Klima: Ikke relevant.

Folkehelse: Eit godt kulturtilbod er sentralt i folkehelsearbeidet.

Regional planstrategi: Tilskotsordninga er eitt av verkemidla for å følgje opp mål om varierte og kvalitativt gode kulturtilbod til alle i *Kultur for alle, regional plan for kultur i Sogn og Fjordane 2019-2027* og *Premiss: kultur, regional kulturplan for Hordaland 2015-2025*.

Konklusjon

Midlar frå Den kulturelle spaserstokken vert utlyste med søknadsfrist 1. juni. Kommunane rapporterer samstundes på fjorårets tilskot. Midlane vert fordelt med grunnlag i vedtekne kriterium. Hovudutval for kultur, idrett og integrering får tildelingssaka til handsaming i septembermøtet.